

bus medicamentis suppurantibus exacerbatur, & in his tuberculis sopitum jacet sal aliquod quod excitatum à medicamentis naturæ arsenicalis est, si enim talis tumor exulceretur, sanies depascit vicinas partes instar aquæ causticæ vel fortis.

Remedia illa commendantur quæ ha-

bet Barbette in praxi de cancro & scrophulis, illa enim Emplastra ex galban. & e *co egregiè juvant contra cancrum. Super hoc affectu videri meretur Experientia tissimi Dolæi Eucyclopædia Chirurgica Rationalis.



CASUUM MEDICINALIUM

LIBER QUINTUS,

De

Morbis Infantum.

CASUS I.

De Febre ardente continua.

(Historia vid. pag. 241.)

RESOLUTIO.

Infantes plurimis obnoxios esse morbis norunt omnes, causas verò norunt pauci, cum enim relatione ad morbos infantum recognoscendos destituamur, facile in errorem deduci possumus, priusquam veram causam indagemus,

Causæ recensentur varia, & deprehenduntur eo ipso, quo fœtus adhuc continetur in utero, vel quatenus est extra uterum constitutus.

Causæ in ipso utero materno, sive juxta Veteres sanguinem menstruum, sive juxta Neotericos nutrimentum proprium non esse sanguinem, sed potius chylum

statuamus, facile tamen quivis exinde colligere potest, vitia tum sanguinis, tum succi nutritivi à matre communicari ipsi fœtui in utero materno contento.

Quo nutritur infans in utero materno dicimus esse humores circulantes, seu succum nutritivum vel partes chylolas, quæ constant ex indefinitis & innumeris partibus. Si queratur de viis, per quas defertur ad fœtum, cum nec per vasa lactea possit ferri, nec peculiaria vasa constant, per quæ humores circulantes possunt defertur ad uterum: dicimus, per arterias defertur ad uterum, ibidem segregari per glandulas uteri, filtrari per partes, quibus circumductis transire partes chylolas magis deputatas,

Succu

Succus nutritivus fugitur ab infante, cujus os hiat à primo vitæ tempore, neque succio præsupponit necessitatem respirandi, cum motus musculorum gulæ, & laryngis proprii sint illis organis, & nequaquam dependant à functione musculorum respirationi dicendorum. Jam si loco partium chylosarum in matre cacochymia scorbutica, lue Venerea infecta, partes acriores cortosivæ, acidæ salinæ aliæque variæ transmittantur per membranas cingentes fœtus in utero, tum propter acrimoniam succi nutritivi varia vitia fœtus contrahit. Verùm viscera externa luunt errores in cibo & victu à matre commissos, & vitiosam diathesin contrahunt, priusquam utantur vitali aura extra uterum. Inde observandum venit læpius, quod fœtus adhuc in utero contentus laboret variolis & morbillis, quibus mater aliquo tempore fuit correpta; laborant etiam aliis morbis in utero materno, & non raro extinguuntur, unde infantem ictero inquinatum in lucem editum fuisse, aliquoties observatum fuit.

Causa concurrentes fœtu adhuc existente in utero materno magis sunt evidentes, si attendamus, fœtum tam diu, quam diu in utero materno continetur, propriam vitam non gaudere, sed potius communem agere vitam cum matre, hoc in sensu quemadmodum videmus, quæ in commoda inflicta arbori vel trunco statim luant fructus arborum, nec ab illis immunes esse, donec decidant; sic infantes in utero constituti participant de omnibus motibus, animæ passionibus ipsius matris, unde variæ cogitationes, sympathia & antipathia, quas alii ita nuncupant, ortum suum habent, quæ omnia ta-

men per hoc unum præsuppositum, quod certas cogitationes sequantur certi motus & vice versa, sive quod certis motibus alligantur certæ cogitationes & vice versa, quæ nunquam iterum separari possunt: hoc posito simili motu, statim observantur eadem cogitationes, & vice versa.

Pro diversitate illarum causarum, quibus fœtus in utero affligitur, examinandæ veniunt & illæ, quæ fœtui in lucem edito superveniant, inter quas agmen ducit insignis mutatio fœtus totiusque liquoris tum animalis tum vitalis, eo ipso momento, quando uterus aëri exponitur, quis non diceret insignem mutationem & turbationem in M. S. excitari, quando circulatio sanguinis aliter instituitur, quando novus talis motus in originis producitur, & quando corpus innatans liquori calido in loco ab injuria aëris immuni, nunc haurit auram frigidam, variisque corpusculis inquinatur.

Alteræ causa morborum infantium extra uterum satis manifesta erit, si consideremus cum infantibus nasci plurima morborum semina, quæ plerumque hospitari solent in excrementis intestinorum & ventriculo, quæ communi nomine vocant meconium, unde sæpe observatur in infante recens in lucem edito, quod supervenire solet vomitus, quo varii humores excernuntur, non raro etiam per alvum varii generis excrementa deponuntur, Urina statim post partum redditur, quæ omnia sunt effectus in consueti illius motus excitati in machina recens nata: & nisi Medicus sequitur motum naturæ, ut loqui solent, statim gravissimi producuntur morbi, & infantes corripuntur alvi torminibus, motibus convulsivis Epile-

Ipsa &c. quæ in specie in hoc libro explicanda veniunt.

Tertia causa quærenda in lacte quò infans recens natus nutritur.

Quarta in alimento, variisque eduliis, quo infans præbentur.

Quinta in tenera dispositione fibrillarum & pororum configuratione minus constanti.

Sexta in denegata insensibili transpiratione, & ad hoc plurimum conducit fovendum verum & producendum in nato humor nutritivus, qui læpius viscositatem contrahit & poros oblinat in habitu corporis, quæ sordes nisi abluantur convenientibus balneis post nativitatem, & transpiratio reddatur liberior, viam sterant plurimis morbis. In hoc casu proponitur infans febre ardenti continua laborans.

Nunc veniunt etiam consideranda phaenomena & apparentiæ febrem ardentem continuam concomitantia, ut Vigiliæ contumaces, alvi profluvia, ex flavo virescentia, tormina & dolores ventris.

Febrem infante cognoscimus ex pulsu, qui frequentia sua sanguinis effervescentiam facile indicat, sitim aliisque symptomata vel effectus explicare nesciunt, solò hoc signò solet esse contenti, nempe pulsu, ex hoc febrem adesse judicant.

In resolutione dicit A. lactis materni, quo nutriebatur infans, examinetur.

Rectè recurrimus in morbis infantum ad lac maternum, ejusque examen institutum, lac autè correptum (dicit Auth.) deprehenditur, cum sumpserit linteum eo imbutum, corruptum autem esse lac in infantibus patet ex vomitu & alvi fluxu,

si per has vias caseosa substantia, ex borborygmis & hypochondrium laesione, ex colore obscuro excrementorum ex flavo virescentium acida corrosiva, quæ vel odore vel ani excoritatione percipitur, tum etiam ex Tinctur, qua linteum imbutum facile colligitur: signum magis evidens habemus, si excrementa alvina rejecta excipiant vase æneò, tunc vis latens corrosiva vel acidum occultum magis in apricum deducitur.

Corruptur autem lac in ventriculo infantis, vel quod lac in se possideat acidum explicans se in ventriculo, & conjunctis viribus à ventriculo fermento lactis coagulationem producens, vel sola culpa fermenti nimis acidi & viscosi ipsius infantis. Si suspicio adsit, lac maternum in sinu suo gerere semina morborum, varia ejus instituuntur examina, prout illud experimentum institutum ab A. solent lac instillare unguibus, quo ejus viscositas vel aquositas, calor lividus vel citrinus eò facilius cognosci possit, vel reponitur in vase aliquo, ut stet immotum per plures horas, sic enim intestinus motus acidum è latebris educit, & lac alium requirit colorem aliamque consistentiam.

Alii examen instituunt præcipitantibus, instillantes ω , Vitrioli, vel & injicientes sal aliquod alkalinum, quò certiores fiant, quâ in copia acidum lacti materno insit. Verùm hic dubium aliquod oritur, unde acidum tam potens in infantibus recens natis suam ducat originem? B. Cl. Ermüllerus in suo valetud. infantili, quod originem & natales habeat ab acido latente in cibus vel victu & potu, quibus utitur mater tempore imprægnationis & gravidationis, & deducit acidum

dum illud à pane, utpote ex quo spiritus valde penetrans & mineralia aggrediens elici possit, ut ex vino & cerevisia, quas liquores gravidæ pro potu ordinario assument, & hæc omnia satis pulchrè explicantur. Potest etiam addi alia ratio, quod nempe spirituum animalium functio in infantibus recens natis non adeò vegeta sit, quàm qualis deprehenditur in adultis, spirituum animalium officium est (quoniam constant, ex profapia alkalica) impedire coagulationem, humores attenuare, circulationem irradiationemque promovere & acidum temperare. Verùm cum languidiores adhuc sint in infantibus recens natis, cum ipsorum organa, per quæ influere debent, sint non adeò firma, illorum gressus vacillantes adhuc sint, pori & tubuli minus continui vel perennes, hinc deficit spiritus ascensio in viscerum fermentis, liquor gastricus seu fermentum stomachale minus spirituosum & viscidum, bilis & succus pancreaticus, hi enim succi munere suo non funguntur, sed eorum perfectiones leniter subsistunt, & acido huic nocivo facile quemvis liquorem coagulabilem pervertunt.

Itaque in curatione semper habenda est ratio Matris & infantis. Matris ut lac non tantùm corrigatur, verùm cum quo eò commodiùs vis Medica transplantari possit in ipsum infantem, hinc si Cacoehymia observatur, tunc alterantibus & leniter purgantibus agendum.

Quoad purgantia observari hoc debet, infantem eò tempore nequaquam uberibus esse, admovendum, cum aliàs tota vis cathartica in offenso pede permeet M. S. in matre, & demum sese explicet,

non absque periculo in infante. Hinc in nutritibus non diagridiatis aut scammonitatis aliisque acrioribus & calidioribus purgantibus, sed potius (ut A. etiam innuit) mitioribus saltem agendum, nempe ex manna, foliis fennæ & Rhab. ad imitationem decocti fol. fenn. l. sine l. Rhab. Mynf.

Quoad alterantia Medicamenta abstinendum ab omnibus acidis, illisque medicamentis, quæ occultum in se habent acidum, potius substituenda esse alkalica, aromatica Ol. quod eò major vis resistendi fermento coagulabili in infante nimis acido lacti concilietur, & admiscenda semper specifica antifebrilia.

Interea dum hæc fierent, infanti Syrupum violatum cum aq. cichorei & c. dicit Auth. loco aq. cichor. aq. antefebr. cujus compositionem non ingreditur acidum, & ium diaph. quod potenter absorbet acidum, tuto infanti lactanti & febricitanti exhibetur sal volat. C. C. ad gr. j. vel pro ratione ætat. gr. ij. l. iij. exhibita, vel quod melius sub actum in aliquot gr. ocul. S. non solum coagulationem impedit, verùm debitam mixturam M. S. restituit.

Ventriculo autem Empl. imposuit A. ubi convenit Empl. de sperm. ceti Mynf. utpote quod lac coagulatum resolvit, non coagulatum à coagulatione præservat.

Qr. Quomodo febres tum continuæ & ardentes, tum etiam intermittentes ex lacte coagulato produci possint? Ubi observandum venit, eadem ferè symptomata produci à lacte coagulato, quæ aliàs oriri à sanguine grumescente & extravasato solent, quemadmodum enim observamus eo ipso momento, quò sanguis ex-

Cccc 3

trava-

extravasatur, quod ejus mixtio solvatur ab euntibus partibus viscosis & volat, quod ipso acidum ante occultum sui fit juris, reliquasq; partes coagulant, unde sequitur, quod ignis vitalis (quem ita vocare solent) qui est materia primi Elementi, semper copiosius reperitur in vasis adhuc contento sanguine, quam extravasato, unde mirum non est, si in sanguine tali arterioso vel venoso facilius, vehementior motus & agitatio partium sequatur, quam in sanguine extravasato. Omnia autem hæc applicari possunt ad lac, quod si enim

grumescat vel abeat in caseum, producit varias obstructions pororum & tubulorum, sicq; formem ingerit fermento febrili, quod extrubulis illis certis periodis elibens in sanguinem, producit *febrem aliquam intermittentem*. Quod si vero partes istiusmodi caseosæ una cum sanguine rapiantur & fluant ad cordis thalamos, febris erit continua; & ad excussionem materię febrilis plures requiruntur dies vel etiam septimana, prout novæ semper accedunt causæ ab hæc, quæ omnia etiam præserte potest languis extravasatus.

C A S U S II.

De Variolis & Morbilibus.

(*Historia vid. pag. 242.*)

De his agitur in libro de febris.

C A S U S III.

De Achoribus.

(*Historia vid. pag. 241.*)

RESOLUTIO.

AChores sive tubercula ulcerosa vel fari vel etiam tineæ. Oritur hic effectus ex vitio humorum circulantium, qui copiosius & qualitate peccantes delati ad superficiem capitis pro varia discretia, varia cutis producant vitia, unde nulla fit assimilatio, sed videmus quod ulcuscula stillent succum nutritium in forma lactis, quod rarè crusta obducitur, quæ pressa reddit lac vel materiam candicantem lacti

non absimilem, unde vocatur *crusta lactea*, & non solum in capite, sed etiam in facie, quàm valdè deformant, oriri solent.

Modum generationis putamus valdè illustrari posse ex Philolopho, explicante generationem fontium, quod plurimæ partes aquosæ sub forma vaporis per poros telluris ascendunt, & pius per verticem montis, cumq; egrediantur poros telluris vel saltem egrediuntur, tum ob diversitatem pororum ab aëre ambiente illa progre-

gredi nescire, hinc compressi concentrati abeant in aquam, unde in locis altissimis videmus scaturire fontes.

Vitia illa cutanea, præsertim *Achores*, simili videantur oriri modo, quatenus ob voracitatem infantum plurimæ partes heterogenæ & vitiosæ in corpore colliguntur, quæ continuæ præter alias vias manifestas etiam copiosissimè per continuam transpirationem excludi debent, si illa transpiratio est valdè copiosa, & per superficiem corporis avolare nitantur plurima corpuscula, quæ à poris æeris ambientis excluduntur, tum vi quasi compressi in superficie hærent, cum aliis à tergo sequentibus ortum trahunt, quem admodum videmus in pulve calida con crescere cuticulam in superficie, quatenus copiosiores illæ partes nitentes avolare excluduntur à poris æeris ambientis, unde in superficie cumulatae cuticulam constituunt.

Causa: Prout partes vel humores circumculantes plus participant de salibus, lymphæ, nunc tenui nunc crassa, vel humore pituitoso, ita etiam ulcuscula illa aliam atque aliam in duntaxat larvam, hinc repeririun-

tur ulcuscula pituitosa, serosa, chylosa, sillantia & quæ sunt alia. Si fibræ nervæ leviter & superficietenus titillentur, oritur *pruritus*, si confertim & cum impetu, oritur dolor.

Curationem quod attinet, illa respicit tum nutricem tum infantem. Conveniunt E. illa, quæ depurant sanguinem. A. commendat Tr. § ii, illa debet præparari ex scorriis § ii cum alis. In præparationib⁹ semper quid de virulentia superesse videtur, comendari etiã solet præparatio quædam Tr. § ii cum saletart. verù dubium adhuc est, an non sit tam Tinct. sal. tart. quã § ii.

Malum hoc èdè facilius debellari potest, si *cerevisia medicata* pro potu ordinario commendetur nutrici ex lignis Guajaci, Sassafr. Santal. rad. Sarsapar. Enulæ. Externa nunquã tentari debet, nisi præcesserint interna, est enim in parte nobiliori nempe cerebro, si intempestivè illa externa adhibentur, facile Epilepsia, affectus soporosi oriri solent. Si materia peccans deferatur ad pectus, tussis, metus suffocationis catarrhus suffocativus &c. Comodius hoc malum curatur, si capilli abradantur & toti capiti Empl. exsiccans imponatur.

CASUS IV.

De Phthiriasi aloë curata.

(*Historia vid. pag. 243.*)

RESOLUTIO.

Videtur naturam in generatione insectorum nõ adedè religiosè insectari, ordinè cum à nemine negari possit è feminibus vel ovis muscarum varii generis ver-

mes produci, prout nempe alia atq; alia materia æthere hęc inferiora permeare solet, neq; absurdū, in toto nostro sanguine (in genere sic dicto) contineri semper semina, è quib⁹ convenièti accedente calore plurima

plurima animalcula generari possunt, quæ nunc cum cibo & potu per vias manifestas nunc cum aëre per occultas inferuntur.

Curatio eadem est cum lumbricorum curatione, quæ etiam non possunt ferre acria, acida & ponderosa, quale est ζ ius.

C A S U S V.

De Hydrocephalo.

(*Historia vid. pag. 244.*)

RESOLUTIO.

Hujus generatio petenda est ex capite de hydrope, nihil enim aliud est, quàm hydrops particularis, quatenus vasa lymphatica obstruuntur & humores circulantés tanta in copia restagnant extra

cranium, ut cutem & subjacentes musculos valdè attollant non raro etiam cum tali tumore aquoso infantes nascuntur.

Conveniunt *discutientia* & *obstructiones reserantia*, hinc sacculi repleti *sabin. flor. chamom. sambuc. sale tosto*, calidè applicati possunt.

C A S U S VI.

De pavore in somno.

(*Historia vid. pag. 244*)

RESOLUTIO.

Proponitur terror in somno à lactis vitio, quatenus acidum vitiosum per intervalla irritando fibras nerveas, vel etiã in cerebro spirit. anim. quasi molestando concussionem producit. Modò simili lumbrici terrores in somno excitare solent, quemadmodum illi rostris suis velliant per intervalla tempore somno fibras nerveas in intestinis, unde statim tremor non raro etiam clamorprehenditur, acidum etiam vitiosum hoc malum producere potest.

Et cum pavor solet esse prodromus *Epilepsiæ*, Curatio institui debet *Antiepilepticis* acidum imbibentibus & saturantibus. Videtur enim quod spirit. animal. fulminis instar non tamen pleno agmine è cerebro explodantur, nam si pleno agmine excurrerent, oritur *Epilepsia*, sicq; eorũ motus longè alius, quàm in tremore, in quo in musculum aliquem influunt & statim iterũ redeunt in antagonistam, & ex hoc iterum abeunt in alium, sive ut clarius dicatur. In tremore nec musculus extensioni dicatus, nec musculus contractioni dicatus, sed aterq; æquali ferè motu cic-

to cietur, non aliter ac janua, (ut exemplum aliquod vulgare proferam:) non clausa & in cardine hærens, fluctuat, & si

aër ex hac camera veniat, versus aliam partem, sün vero ex camera opposita versus alteram partem pellitur,

CASUS VII. De Vigiliis nimiis.

(Historia vid. pag. 245.)

RESOLUTIO.

Cum partes crassiores semel motæ non tam facile sisti possint ab occurrentibus, hinc mirum non est, si propter voracitatem & vitiosam coctionem in ventriculo partes sanguinis crassiores stillant in ventriculos cerebri, semper ulterius pergentes inque poros cerebri apertos longo tempore currant, unde *Vigilia*, quarum causam alii tribuunt vaporibus acribus. Si verò vigiliæ oriuntur

propter tormina citra aliam causam manifestam, tunc res per clara est.

Quoad interna medicamenta illa debent esse stomachica, ubi rectè monet Auth. se abstinuisse à soporiferis, cum opiata majori cum periculo ætati infantili adhibentur. Externè convenit Ungu. *Alabastrinum Rosatum*, vel etiam plantæ pedum solent in ungiæ ungiæ *lucii piscis*, præter illam medullam cervinam, quam Auth. apponit.

CASUS VIII. De Epilepsia.

(Historia vid. pag. 246.)

RESOLUTIO.

Quoniam actum est de Epilepsia in libro I, saltem pauca hic attingere velim: si respiciamus ad medicamenta, sive etiam ad infantium excrementa, sive consideremus lactis dispositionem, aliaque phænomena eò certiores reddamur, *Epilepsiam reverà produci in infantibus ab acido volatili, spir. anim., & systemati ner-*

voso, totique liquori animali valde infesto.

Omnia enim quæ in Epilepsia commendantur, sunt ex profapia alkalica.

Si excrementa inspiciantur, facillimè à torminibus, à dolore colico, à fluxibus, & tùm solent esse virescentia, qui dolor est certissimum signum acidi vitiosi, uti dictum in præcedentibus. Si Diætam gravidarum examinemus, observamus ite-

D d d d

rum,

rum, quod infantes nati à matribus indulgentibus, vino, aut multis aliis subjectis passionibus ita, tetrore, &c. fiant Epileptici: & curiosum & utile est observare, num semper eo tempore, quo infans corripitur Epilepsia, matri fluant menses.

Proponitur nobis in hoc casu ob nimiam repletionem, quia juxta Hippocratem omnis repletio ad extremum deveniens, fit valde periculosa, facile enim lac illud valde pingue copiosius collectum in ventriculo corrumpitur, & cum partes inter se collatae soleant, acidum volatile immediatè per poros ventriculi transudat, seseque imiscet sanguini & cum eo deferretur ad cerebrum, sp. anim.

emporium, & ipsorum ordinem suo more pervertit. In indaganda causa Medicus semper considerare debet, num ex lacte corrupto, num ex dentitione difficili, num ex variolis & morbillis,

Curacionem prolixè tradit D. D. Walschmidt Collegio ad praxin Barbetæ, conveniant itaque Clysteres, & omnia Epileptica in minima dosi exhibitæ, omnibus aliis palmam præcipiunt illa ex Cinnab. & ii præparata Guinlingius varias in suo s. u. legio Chymico tradit descriptiones. Tandem convenit etiam Empl. Epilepticum cuius A. est Crato, quod suturæ coronali imponitur.

CASUS IX.

De Aphthis.

(*Historia vid. pag. 246.*)

RESOLUTIO.

Aphthæ sunt pustulæ quædam occupantes fauces, linguam, totumque palatum, non solum malum hoc familiare est infantibus, sed & adultis præsertim febricitantibus, in quibus summa humorum acido adest, quod in febre Hungarica videre licet.

Causam quod attinet, Authores non conveniunt in ejus descriptione, cum alii cum Sylvio statuunt pro causa halitus acidos elevatos è ventriculo erodentes tunicam, quæ œsophagus, lingua & fauces affliguntur, quæ ab æcedens subjacente carne variè prominere & tubercula constituit addunt etiam rationes suas, quibus

moti halitus illos pro aphtharum causa agnoscant, eam frequentissimè odore acidum, quod infantes spirant percipere possint; secundo quod medicamentis acido apposis malum hoc profligari soleat. Alii cum Auth. lac accusant plus solito acre. Nos media incedentes via putamus causam potius quærendam in saliva seu lymphæ acescente & humoribus circumstantibus; foveri tamen posse malum ab halibus acrioribus effumantibus è ventriculo, non ibimus inficias.

Si enim ex solis vaporibus seu halibus, qualia plerumque tubercula circa collum instar scrophularum observantur, unde apparet, quod potius ex vitio lymphæ

lymphæ & humorum circulantium, quam ex vaporibus & halitibus natales habebant.

Quoad prognosin hoc annotari debet, quod aphthæ albicantes curatu faciliores sint, quam si flavescant & nigrescant.

In curatione valde attollunt Authores succum Raparum, vide Sylvium & Er-müllerum: vitellus ovi subactus cum aq. rosar. addito parum sacchari, sæpius de die illitus, faucibus egregium præbet levamen, quatenus pinguedo & o.° sitas vitelli temperata aq. rosar. acidum illud

indomitum corrigit, saccharum simul lenit & consolidat.

In vulgus notum est remedium ex melle rosato additis aliquot guttulis o.° l. sp. Vitroli. Quod si tamen malum si contumax & pustulæ alios induunt colores ad potentiora deveniendum, Diacordium ad plantaginis vel flor. sambuc. addito parum spir. vini.

Interea ratio habenda nutricis, cui varia exhiberi possunt medicamenta acrimonia temperantia, v. g. serum lactis, vel etiam pulv. istiusmodi acidi quibus creta addi potest, quæ potenter absorbet acidum,

CASUS X.

De Dentitione Difficili.

(Historia vid. pag. 247.)

RESOLUTIO.

DE dentitione egregiè scripsit Willilius Cap. de Epileps. Infant. lib. de morbis convuls. Varia Symptomata & quidem graviora dentitionis difficultatem comitari solent, qualia sunt terrores in somno, Vigilæ, Vomitus, Epilepsia, Diarrhææ, Febres, Convulsiones: & non rarò malum hoc solet esse lethale.

Phænomena, quæ hic ab Auth. recensentur, principaliter non dependent à dentitione difficili, sed potius à febribus, quæ eò facilius excitari potuerunt à solstitio æstivo, quo tempore sanguis facilius ita exagitatæ, ut ejus mixtio non possit non turbati,

Dolor sæpius valdè urget in gingivis, non tam quod dentes eructantes perforant gingivas, sed potius ab impedita circulatione, vasa enim ab intumescente carne comprimuntur, hinc sanguis restagnat,

unde inflammatio, pulsationes & vehemens dolor in gingivis.

Partes nonnullæ sanguini communitatæ mixtionem turbant in ventriculo cordis, unde statim febris. Et cum alluens sanguis tendens per venas, vel etiam humores circulantes per vasa lymphatica continuè quid imbibant, febris illa est continua.

In Curatione ante omnia occurrentia est Symptomatum urgentibus, convulsioni nempe & Epilepsia, hinc temperatè anti-epileptica Infantibus dententibus exhibenda sunt. In gingivis quantum possibile, inflammatio arcenda. Præter allegata ab Auth. convenit pulv. liquiritiæ cum butyro majali mixtus; cerebrum leporis crudum non coctum gingivis illitum, promovet enim eruptionem dentium.

D d d d 2

CASUS XI.

CASUS XI.

De Tussi & respiratione difficili à Catharrho.

(*Historia vid. pag. 248.*)

RESOLUTIO.

DEbent huc referri omnia, quæ de Catharrho dicta fuere. In infantibus certè sæpissimè hoc malum exoritur cum tussi & respirandi difficultate, non sine vitæ periculo, soletque Epidemice plures invadere.

Causa videtur foris advenire, nihilque aliud esse quàm tal quoddam mediante aëre corporibus tenellulis communicatum, coagulans lympham & sanguinis mixturam turbans, unde catarrhus, febris pungens fibras nerveas, unde dolor, tussis, quæ non raro convulsiva, eludens omnia thoracica vulgaria dulcia, ambitiva & ejusmodi alia, quæ vulgo locari solet der *Knickhusten*/ nihil enim vel parum in illa tussi excernitur, de cujus descriptione nullibi quid reperitur, solo excepto Willisio, quamvis malum communissimum: sic plures infantes ex improvise ipsa in tussi suffocantur.

Purgantia exulare debent, irritando malum exasperantia, quod tamen de proprie dictis purgantibus est intelligendum, deinde salis aciditas est imbibenda, quæ o^o sitate spicula illa infiscant. Exhibuit A. optimo eum successu sperma Ceti, & ratio est in promptu, quoniam

sanguinis grumos dissolvit, & coagulationem ejus impedit, quæ absque dubio sequeretur, nam propter sanguinis restagnationem in cellulis pulmonum, ejusque plus solito in crassationem, respiratio uno quam altero tempore etiam major vel minor redditur.

Convenient Epileptica systemati nervoso dicata, & non videtur melior successus, quam in usurpatione *specifici cephalici D. Mich. cujus basis est cinnab. ꝯii*, descriptionem ejus genuinam vid. apud Hoffmann. in notis ad Schröd, hoc tamen tempore modo longè alio præparatur. & est præstantior, si loco præparatorum substituantur salia volat. varia enim præparata ingrediuntur ejus præparationem, ut C. C. præparat. &c. quod si hoc destituatur Medicus, possunt alia Antiepileptica.

Nutrici autem exhibuit decoctum periorale, quod egregiè profuit, quodque Medic^o facile imitari potest, sunt enim aromatica, ut *f. Hyssop. Capill. ꝯis, Scab. Veron. &c.* partim sunt mucilaginosæ, ut liquirit. ficus jujubæ: partim aquosæ, ut flor. viol. aqua hordei, quæ aromatica mucilaginosæ & aquosæ acidum diluunt, temperant, infiscant & corrigunt.

CASUS XII.

CASUS XII.

De Vomitu ex lacte corrupto.

(Historia vid. pag. 250.)

RESOLUTIO.

Quamvis enim bilis alkalinae sit naturae, nihilominus sepius ita degenerat, ut acidior se associet familiae, hinc videmus, quod si talis adfit causa, per vomitum humores biliosi flavi vitescerent excernantur.

In Curatione hoc annotari potest, quod non semper ad satietatem lac exhibendum, tutius erit si reiteratis vicibus ubera sugenda praebeantur, alias frustra sunt medicamenta.

CASUS XIII.

De Ventris torminibus à flatibus.

[Historia vid. pag. 250.]

RESOLUTIO.

Ille tormina etiam ab acido excitari, nemo facile negabit, si attendat ad medicamenta & excrementa,

Peccat autem lymphæ crassa & acida, quæ cum sale alkalico lactis vitiose effervescent, & cum à lymphæ crassa parietes intestinorum illi sunt, transpiratio valde impeditur, unde vapores tales, (quales in qualibet observare solemus fermentatione,) egredi nescientes concentrantur & flatibus constituunt, distendentes intestina, se invicem protrudentes, unde *murmur, rugitus*: & propter nimiam inflationem & tubulorum à lymphæ obstructionem spiritus animales debito & convenienti modo fibras inflare nesciunt, oritur alvi ob-

structio. Malum non est contemnendum, quod non tam facile curetur, tum etiam quod Epilepsia frequenter supervenire solet.

Clysters valde conveniunt, sed non cum impetu sunt injiciendi, alias enim statim à flatibus iterum repelluntur.

Externè egregiè convenit Ol. stillat. Carminat. Myrsi, quo melius non vidit D. D. Waldschmidt: præparatur ex Ol. stillatis.

Convenit Emplastrum post inunctionem imponendum de bacis lauri vel carminat. Sylvii, cujus compositionem contingitur, quod potenter discutit flatibus, & menthae umbilico cum linteis duplicatis imposita calidè vel tepidè egregiè

Dd dd 3 con-

venit. Mulierculæ exhibent felici cum
successu macerem. Essentia citri Saccha-
rina Zwölfferi sæpius exhiberi potest, &

ob suavitatem facile ab infantibus assumi-
tur.

CASUS XIV.

De Alvi fluxu.

(Historia vid. pag. 251.)

RESOLUTIO.

Alvi fluxu facile corripuntur infan-
tes, vel ex lacte vitioso, vel ex denti-
tione, vel ob nimiam verocitatem & ad-
dephagiam: hoc in casu videtur præces-
sisset lactis corruptionem, cujus caseosa
Substantia obstruit glandulas meseraicas,
orificia vasorum lacteorum, nec non pan-
creatis, hinc nulla facta secretio chyli à
fæcibus, quæ enim excernebantur (ut A.
dicit) alba erant & pituitosa.

Ante omnia blandè evacuandi sunt
humores vitiosi Syrupo Cichor. cum
Rhabarb Clysteribus abstergentibus,

postmodum modicè adstringentia in ur-
sum veniunt, pulvis cordialis pretiosus vel
emulsionem suaderi possunt. Externè con-
venit Emplast. de crusta panis. Emplast.
A. ex theriaca cum terra sigillat. præpara-
tum.

℞. Theriac. rec. ℥j.
terre sigill.

Ol. nuc. mosch. express. aa. ℥ß.

M. Empl. super alutam in forma thaleri
vel orbis medii. S. Plaster anff den Na-
bel zu legen/ potest etiam exhiberi adultis,
ut in dysenteria: sic efficacius desideres &
magis pretiosum, adde Theriacam cœle-
stem.

CASUS XV.

De Alvi constipatione.

(Historia vid. pag. 251.)

RESOLUTIO.

Obrutum enim fuit fermentum vel li-
quor gastricus, cum etiam bilis à
terrestribus & crassioribus partibus nu-

cum castanearum. A. in curatione pro-
ponit linimentum laxativum, vel substi-
tui potest ungu. de arthanita. Muliercu-
læ solà axungia anlesina utuntur, vel etiam
in pulve exhibent excrementa passeris.

CASUS

CASUS XVI.

De Lumbricis.

(Historia vid. pag. 251.)

RESOLUTIO.

Repetenda veniunt illa, quæ de lumbricis in lectionibus publicis dicta sunt, ubi recensentur phænomena. Adest (1) pruritus narium. (2) Fæcos oris. (3) Vomitus matutinis. (4) Abdominis intumescencia. (5) Dolor jejuno ventriculo alvi. (6) Appetitus integer. (7) Urinæ turbidæ. (8) Febres.

Narium pruritus à languinis acrimonia, cum dulces partes depalcantur & confluantur. *Fæcor oris* à fermentatione corrupta seu putredine, quæ est species fermentationis. *Vomitus matutinus* ab humoribus acrioribus vellicantibus fibras ventriculi, vel etiam à morfu irritativo vermium, hinc dolores costosivi lancinantes in abdomine percipiuntur, præsertim jejuno ventriculo. *Intumescencia abdominis* à flatibus, reliquarum vero partium extenuatio à paupertatione chyli. *Febres* si ova vermium vel partes vermium putridæ per vasa lactea deferantur ad cor, ejusque turbent mixtionem, si continuo febris erit continua, si per intervalla erratica, si statis temporibus, periodica.

Urinæ turbidæ à partium æctvarum in sanguine defectu, nulla sit restitutio, quia vel nullus vel paucus chylus sanguini infunditur, hinc languent fermenta viscerum.

Infantes & qui sunt temperamenti pi-

tuosissimi, facile lumbricitant, rarius cholericis & adultis, quia effervescencia quo major & vehementior, eo facilius ova vel semina confringuntur, quo debilior fovetur, conservantur & ad maturitatem ducuntur, quodlibet enim animi quodcunque etiam sit, ad sui generationem proportionatum requirit fermentationis gradum.

Causam vermium naturalem, dicimus esse ova & semina, si enim carnes recens macerata probe munitur, priusquam aëri vel muscarum infestui fuerint exposita, raro inditur vasi bene clauso etiam si tum successu temporis accipiat putredinem, nullos tamen unquam observabis vermes, & cum in tali putredine misasmata in ambientem fundantur aërem invitantia muscas, quæ propterea chartam, qua officium munitum perfodere solent, ibidem reperies vermes, rodentes chartam & transitum tentantes.

Formalem causam dicimus esse calorem blandiorem, quem putredinem solent vocare.

In *curatione*, quæ purgantibus est inchoanda, convenit syr. flor. Persicorum, cum pulv. mechoacanna & aqua graminis, pillul. Francof. quia constant ex aloë, omnia enim aloëtica vermium inimica: cū itaque amara fugare solent vermes, nunquam in lumbricitantibus addenda sunt clysteribus, quæ enim per os adhibentur debent esse amara, quæ vero per anū, dulcia.

A, di-

A. dicit: cum his adhibitis nihil vermium excerneretur, dubitare coeperunt de iis parentes: id quod bene monet, nam non sequitur, plurima specifica in usum fuisse vocata, nihilominus tamen nullus vermis est excretus, sufficit enim si euecentur, interfecti putrescunt facile vel discerpuntur à medicamentis acidis, spiritu vitrioli &c. Commendat etiam Author al. num suum contra vermes ejus descriptionem habet in Epistolis, & præparatur. x. q. re: verum tentavit D. D. Waldschmidt ejus præparatione, nunquam tamen vim emeticam & nauseabundam semet potuit, hinc semper fere secuti ingentes vomitus, nullique vermes excreti, quoties enim edulcoravit ab-

luendo aqua, & tamen semper quid fastidiosi retinuit.

Ad imitationem pulv. contra vermes D. D. Waldschmidt cerevisiam medicatam in infante septem annorum in usum vocavit, à cujus usu innumeros excrevit vermes.

℞. Rad. filic. Distamn. Cretic. Cichor.

Sylv. aa. ℥j.

Fol. Card. bened. mss.

Floer. Tanacet. hypericon. aa. ꝑj.

Sem Santon. ℥iij.

Citri, Card. bened. aa. ꝑj.

Passal minor. ℥ß.

Incisa grosse dentur ad nodulum, & detur vel horis matutinis vel pomeridianis haustus.

CASUS. XVII.

De Hernia.

(Historia vid. pag. 237.)

RESOLUTIO.

Facile rupturam patiuntur infantes ob peritonæi laxitatem & musculorum humiditatem, fitque vel circa umbilicum, vel circa inguina ubi duo processus peritonæi repertiuntur, qui sæpius ita relaxantur à tussi, à ploratu, à sternutatione, vomitu, desiderio excernendi fæces alvi, ut per manifestum foramen intestinalia prolabantur in scrotum. Solent alias tres species herniæ recenseri, una ab intestinalis prolapsis vulgò der Darmbruch/ altera à flatibus der Windbruch/ tertia à scirrhosa duritie, vulgò Carnöffel.

In hernia intestinali, digitis locus ex-

plorari potest, in ventosa transparentia adest præsertim, si admoveatur candela, quod etiam in ∇la observari solet, in scirrhosa maxima adest durities, neque prementibus digitis cedit tumor.

Circa curationem notandum, quod totum artificium consistat in legitima fascinatione vel ligatione, quia consolidatio solius ferè naturæ opus est, præsertim in infantibus.

Laudantur alias varia o. hyperic. comp. o. laceratum. Potui ordinario imponi possunt radic. Consolid. maj. &c. herb. Pyrol. Saniccul. perfol. frequentissimè etiam exhiberi pulvis consolid. maj. cum

cum syr. corall. vel de Symph. Alvus semper debet servari aperta & nonnunquam

carminantia proponari solent, alias frustra tentatur curatio.

CASUS XVIII.

De Umbilici prominentia.

[Historia vid. pag. 255.]

RESOLUTIO.

IN hæc affectu solent commendare globulum plumbeum, quo transfossus

est cervus, in coitu, in lamellum reductum, si ex flatibus: carminantia profunt.

CASUS XIX.

De Ani procidentia

(Historia vid. pag. 256.)

RESOLUTIO.

IN alvi fluxu, in dysenteria etiam observare solemus ani procidentiam, nempe si maxima egreditur copia humorum, & tunc conveniunt sacculi repleti flor. chamom. verben. rosar. rub. fol.

quercus, cort. granat. quæ in lacte coqui possunt, vel aqua chalybeata vel vino rubro.

In sexaginta vel sene prodest cataplasma, quod ex scarabæis cum $\circ\circ$ hyperici & lumbricorum præparatur, additisque aliis nervinis.

CASUS XXI.

De Urinæ difficultate.

[Historia vid. pag. 256.]

RESOLUTIO.

URinæ difficultas facile fit, nec semper calculo est, sed potius obstructione vel in ureteribus vel in meatu urinario.

Oculi cancr. frequenter exhibiti malum tollunt, si accedunt etiam externa, intestus & cataplasma, quæ ingrediuntur cepæ, quæ in omni obstructione sive calculo, sive ab alia causa conveniunt.

Et ee Casus XXII.

C A S U S XXII.
De Urinæ Incontinentia.

(*Historia vid. pag. 258.*)

R E S O L U T I O.

Malum hoc facile degenerat in habitum & consuetudinem, videntur hoc in casu vasa harum partium urinæ excretioni dicatarum tandem ita speriti,

nt spiritus animales inoffenso pede etiam in somno eò fluent & excretionem moliantur & tum malum ut plurimum solet fieri incurabile. In infantibus præter virgas A. commendat pulverem Erinaecorum combustorum.

C A S U S XXIII.

De Macie à Crinonibus sive Dracunculis.

(*Historia vid. pag. 259.*)

R E S O L U T I O.

Malum hoc oritur ab impedita transpiratione, unde excrementa eruantur in potus partium externarum & superficiei, unde tota M. S. ad nutritionem redditur inepta, & non raro febris hæctica inde dependet.

Balnea valde profunt, quoniam emolliunt & laxant, post balneam immediate institui debet frictio cum aq. & farina, quia sordes facile adhærescunt, & si postmodum fricetur cutis, è poris corpuscula vermium exprimuntur.

Appendix ad morbos infantum.

Innotuit ante 20 annos in Anglia affectus quidam solis infantibus familiaris & nonnunquam funestus, quem Rachitidem vulgò *M ket* vocare consueverunt.

Affectus hujus indolem & naturam

consideramus, dabimus etiam plurimos infantes hoc morbo fuisse sublatos, multosque eodem morbo adhuc affligi. Medici hujus mali ignari vel hydrocephalum esse dixerunt, vel speciem cachexiæ vel scorbutum, vel tabem, vel vermes, vel dentitionem difficilem, & nescio quid non. Ante omnia igitur attendendum ad phænomena & apparentias, exque vel in viventibus observantur, vel demum post mortem rimantur.

Quoad externum corporis habitum magna requiritur dispropertio inter partes, *caput valde magnum*: & hinc inde in superficie capitis protuberantiæ magnæ observantur. *Abdominis adest immescentia*, è contra pectoris angustia & cartilaginis ensiformis prominentia, reliquæ partes flaccescunt. *Ossa sunt incurvata*: præsertim tibiæ & cubiti, cir-

ca articulos nodi duriores videntur, labia sunt sicca, dentes, si jam adsunt putridi vel nigri saltem, respiratio difficilis, alvi fluxus, torpor totius corporis, ingenium pro ratione ætatis plus solito felix & vegetum, spinalis medulla ferendo capiti non satis fortis, unde spiritus quasi collabuntur & non raro spina dorsu variè inflectitur, pedibus vix insistant, sed sedentes ludunt potius quam currentes. Nunquam à prima nativitate malum hoc sese prodit, sed rarius, frequentius verò elapso semeltri ad annum usque tertium.

Quod si verò Rachitide extinguantur, tum post mortem in sectione cadaveris deprehenditur hepar valdè magnum, colore rubicundo vel sanorum simili, mesenterium strumosum à scrophulis sive glaudulis refertum, pulmones infarcti materia purulenta, vel sanguine grumoso: cerebrum mole excedens & naturali 2plo vel 3plo majus: ipsos tenes corruptos fuisse hoc in morbo observavit Nobiliss. Dn. Præses. Priusquam autem accedamus ad causarum symptomatum explanationem præmittenda erit causa ipsius morbi. De morbo scripsit Glissonius Medicus Anglus, dicit causam Effectus hujus esse intemperiem quandam partium innatam frigidam & humidam, omniaque phænomena conatur explicare vi suorum principiorum per qualitates vulgares, verum indolem hujus morbi pro nutu non exprimit. Corruunt enim facile omnia, si attendere velimus partium calorem, quem vulgò innatum dicunt, esse à sanguine, sanguinem autem æqualiter distribuidum omnes partes laborantes intemperie tali conatum sanguinem crudiorum ad se trahant. Non

jam dicam, quod opinio hujus Viri Clariss. Neutericorum principis in totum contradicat vel contrarietur.

Rectius itaque videtur accusari posse spinalem medullam, ejusque ut & tubulorum nerveorum inde prodeuntium aliqualem obstructionem, impediendam quo minus spir. animales humorum circulantium irradiationem debito & convenienti modo absolvere possint. Facilius materia hujus morbi explicari potest, si cum Willisio supponim⁹ humorem nutritium in partes per nervos influere: tentabim⁹ tamen per nostra principia characterem hujus morbi ad vivū pertinere.

Videmus quod partes illæ, quæ nervos habent ex spinali medulla extenuentur, si accescant & marcescant, quæ verò à cerebro v. cerebello nervos habent copiosissimè nutriantur, nulla enim assanulatio succi nutritii fieri potest absque ope sp. anim. quorum irradiatio si parti denegetur, statim tollit nutritionem, tum pori & tubuli collabuntur, unde nequaquam humores circulantes trajici legitimo modo possunt. Hinc observamus, quod ossa incurveatur, quatenus ligamenta & musculi exsiccantur, vel saltem non crescunt, dum è contra ossa quotidie augentur, musculis itaque existentibus brevioribus ossa alligantur, necessariò ipsum os incurvari debet juxta legem mathematicam, linea recta àrcta intra limites suos, necessariò fieri debet obliqua, ut si chorda surculum vel crescentem arborem firmiter alligamus terræ, vel trunco in superficie telluris, quò major crescit arbor cum chorda extendi non possit, eò magis incurvatur arbor. Sic unum habemus phænomenon.

Pectus angustum est ob eandem rationem, quia muscoli costarum non crescunt, neque augentur, unde ossa firmiter constringuntur, eo ipso autem cartilago ensiformis eminet, & antrorsum propellitur, in tali angusto pectore pulmones dilatari nesciunt, infarciuntur sanguine, qui vel grumescit vel in humorem corruptum & saniosum abit: spir. enim. animal. officium est temperare acidum, qui si non sufficienter influant, tunc fermenta viscerum degenerant: hinc nulla ritè concoctio, unde diarrhœa, flatus, nigredo & corruptio dentium. Hepar cum paucos vel nullos habeat nervos, nihilominus succus nutritivus illud trajiciat, valdè crescit, cum alia ratio sit substantiæ carnosæ, alia parenchymaticæ, nihil enim aliud requiritur ad incrementum hepatis præter sanguinem.

Mesenterium scatet glandulis & serophulis à defectu spir. animal. & copia lymphæ acescentis. Circa articulos humores circulantes ulterius progredi nesciunt restagnant, hinc nodi observantur. Reliqua Phænomena ea iisdem rationibus facile deduci possunt.

Q. Quare infantibus affectus hic solet esse familiaris, non vero adultis? Ratio est in promptu; quamvis enim adulti variis obnoxii sint morbis ex defectu spir. anim. ortis, tamen cum metam accretionis abolverint, morbo hoc affici nequeunt. *Causa* remotiores possunt esse, vel hæreditaria quædam dispositio ex vitio matris in utero, succi nutritii, quo fœtus in utero nutritur discrasia. Errores in rebus 6. non naturalibus.

Prognosis: Si statim à prima nativitate infans tali morbo laboret, periculosum

valde est malum & frequentissimè lethale, quò verò longius à partu malum accedit, eo major spes reconvalescentiæ affulget. *Diarrhœa* si nullis cedat remediis malum signum est.

Curatio instituenda est juxta indicationes. Obstructio pororum & tubulorum etiam tollenda, laxitas generis nervosi & spinalis medullæ est corrigenda, præviq; humores evacuandi.

Depromuntur auxilia è triplici fonte, Chirurgico, Pharmaceutico & Diætetico. Chirurgica quod concernit remedia, duo valdè commendati solent, *Scarificatio* & *Fonticuli*. *Scarificatio* balneatores instituere solent in aurium extremitate, quamvis remedium videatur magis Empiricum, quàm rationi consonum. *Fontanella* plus habent ponderis, potestque fonticulus excitari inter primam & secundam colli vertebra. E fonte Pharmaceutico specifica nonnulla notari debent ex radicibus, ut rad. Amondi, quæ pro specifico, hoc in affectu habetur, rad. filic. maris, apii, salsapar. chinæ, ebuli, ligni Guajac, sassafr. cortic. tamaric. fraxin. folia salivæ, beton. ceterach. herb. capillares omnes, capillus Q. ris, trichomanes, ostmonda, flor. antheros, nasturt. indic. salv. macis, crocus, castoreum, millepedes lumbicici. Ex his varia remedia variæque formulæ facile præscribi poterunt, tum ex tum intertæ in forma unguent. & balnei exhibendæ.

Omnibus præfertur *Ens Veneris* cujus descriptionem tradit Boyle lib. de utilitate Philosoph. Experiment. part. 2. sect. 5. cap. 6. quod à duobus vel tribus gr. ad ʒß, jejuno ventriculo vel vesperi paulò

paulò ante cubitum egregio cum successu exhibetur. \mathcal{R} . Vitæ. opt. q. p. calcinetur ad obscuram rubedinem, post freq. aqua calicâ abluatur ad omnimodam dulcificationem, exsiccatum subtilissimè pulveritatum misceatur anatica portione cura * itideam subtilissimè pulverifato, hinc mixturam inde retortæ vitreæ ad plenitudinem tertiæ partis usque sublimeretur per gradus Δ (spatio 10. l. 12. horarum sub finem augendo Δ ut fundus retortæ planè excandescat, sublimatum exemplum lutei debet esse coloris, quod si flavescat, denuò repetenda est sublimatio.

Operatio ejus fit vel per ambitum corporis, vel sudores vel per vias Urinarias, in omnibus febribus præsertim intermittentibus felicissimè adultis propinari potest. Præter hoc commendari solet * artificiale & ex tempore

præparatum, quod ex sale aliquo volat. affunditur sp. salis in phiola, facile præparari potest exhiberique ad gr. iij. l. iv. In infante quodam Priscipe magnum levamen attulit Elix. Scorbut. Rolinck. cujus descriptio in ejus Chymia traditur.

Chalybeata frequenter in usum sunt vocanda & vinum chalybeatum valde prodest, si infans lac adhuc fugat, tum longiores coctiones ex ante dictis etiam nutritici exhibentur.

Purgantia semper audiunt leniora cum facile humores his ægris diffluant, & ut plurimum diarrhœa ante obitum exoritur, oleat.

In Anglia hic affectus facilius curatur, forsan quia ejus indoles Medicis magis est nota quam Germanis, & ob hanc causam in tempore obveniunt.



LIBER SEXTUS.

De

Partium externarum morbis.

CASUS I. II. & III.

De Corpulentia nimia &c. &c.

(Historia vid. pag. 261. 262. & 263.)

RESOLUTIO.

Q

Uando in M. S. prædominium obtinent partes flexiles & chylosæ, quæ quoad suam superficiem respondent poris fi-

brarum partium nutriendarum; majori in copiâ se agglomerant fibris nutriendis, & sic non solum nutritionem sed & augmentationem præstant, & cum non sufficiens spatium inveniunt, etiam in ipsis

Ec ee 3

inter-